

#### DÉCIMA: CAUSAS DE RESOLUCIÓN

Serán causas de resolución do presente convenio:

1. O incumprimento das cláusulas do convenio.
2. A aplicación dos fondos percibidos a fins distintos aos que deron lugar á súa concesión.
3. A falta de xustificación das cantidades na forma establecida no convenio.

Faise constar que o presente convenio foi aprobado por Resolución da Presidencia de data 29 de decembro de 2023.

E en proba de conformidade, ambas as partes asinan o presente convenio por duplicado exemplar no lugar e data indicados no encabezamento.

**O REPRESENTANTE DA EXCELENTÍSIMA  
DEPUTACIÓN PROVINCIAL DA CORUÑA.**

**O ALCALDE-PRESIDENTE DO CONCELLO DE  
MALPICA DE BERGANTIÑOS.**

**Asdo.: Xosé Penas Corral**

**Asdo.: Eduardo José Parga Veiga**

**A SECRETARIA XERAL  
DA DEPUTACIÓN PROVINCIAL DA CORUÑA**

**Asdo.: Amparo Taboada Gil**



**DEPUTACIÓN PROVINCIAL  
A CORUÑA**

**SERVIZO DE PATRIMONIO E CONTRATACION**



Número 120 / 2023

#### **CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA E O CONCELLO DE MALPICA DE BERGANTIÑOS PARA A XESTIÓN INTEGRAL DO ECOMUSEO DO FORNO DO FORTE DE BUÑO (MALPICA DE BERGANTIÑOS), ANUALIDADE 2024**

Na Coruña, a 29 de decembro de 2023.

Ante mín, Amparo Taboada Gil, Secretaria Xeral da Deputación Provincial da Coruña, como fedataria actuante

#### **REUNIDOS**

Dunha parte, Don Xosé Penas Corral, en representación da Deputación Provincial da Coruña e

Doutra parte, Don Eduardo José Parga Veiga, Alcalde-Presidente do concello de Malpica de Bergantiños.

Os comparecentes interveñen en uso das potestades que, por razón dos seus cargos, estalles atribuídas

#### **EXPOÑEN**

1.- A Deputación provincial da Coruña adquiriu e rehabilitou o conxunto etnográfico do Forno do Forte e o seu quinteiro, grupo de casas anexas do século XIX, coa finalidade da súa revitalización dentro da teoría, activa e integral, do ecomuseo: reconstruír a vida cotiá, de tempos non afastados, das xentes labregas e oleiras que fixeron de Buño un centro emblemático da produción artesá de Galicia, da provincia e de Bergantiños .

2.- O concello de Malpica de Bergantiños desde o ano 2006 leva colaborando coa Deputación provincial da Coruña na xestión do Ecomuseo do Forno do Forte, un modelo novo de xestión do patrimonio cultural, no cal se interrelacionan os aspectos puramente materiais, como os edificios e as montaxes expositivas, cos inmateriais, especialmente, a tradición oleira local e as novas formas de produción. O obxectivo último foi facer do espectador un actor activo, sensibilizando ao mesmo tempo sobre as posibilidades da cultura popular como recurso e reclamo turístico.

3.- O Concello de Malpica de Bergantiños durante estes anos, cumpriu coas obrigacións que se estipularon nos respectivos convenios de colaboración subscritos ata o momento.

4.- Coa finalidade de establecer as condicións de colaboración necesarias, para a posta en valor deste conxunto etnográfico a Deputación Provincial da Coruña e o Concello de Malpica de Bergantiños acordan subscribir o presente convenio, según as seguintes

#### **CLÁUSULAS**

**PRIMEIRA: OBXECTO.-**

O presente convenio ten por obxecto establecer as relacións de colaboración entre a Excm. Deputación provincial da Coruña e o Concello de Malpica de Bergantiños CIF: P1504400A por medio do cal a Deputación Provincial da Coruña encomenda ao Concello de Malpica, a xestión integral do Ecomuseo do Forno do Forte de Buño, ano 2024.

#### **SEGUNDA: OBRIGAS DO CONCELLO DE MALPICA DE BERGANTIÑOS.**

1. O Concello de Malpica de Bergantiños asume a obriga de facer constar a financiación da Excm. Deputación Provincial da Coruña en todas actividades, programas e soportes, folletos e carteis, etc., que se empreguen para a difusión e divulgación da actividade obxeto do presente convenio.
2. O concello de Malpica de Bergantiños achegará o personal necesario para a atención a visitantes, mostra de artesanía en vivo e outras actividades no Ecomuseo do Forno do Forte de Buño, durante o período de imputación de gastos que figura na cláusula CUARTA do convenio. O concello porá en funcionamento o centro e encargarse das visitas que reciban.
3. Manter en perfectas condicións de conservación e limpeza, tanto o inmovible como os bens incluídos no mesmo
4. **Promover o uso normal da lingua galega, oralmente e por escrito, debendo ser o idioma utilizado o galego, tanto nas visitas guiadas como nos logotipos empregados.**
5. O concello de Malpica de Bergantiños comprométese á apertura do centro, de acordo cos horarios que se establecen na cláusula TERCEIRA e **elaborará unha estatística de visitas mensual e de xeito obxectivo e valorable.**

#### **TERCEIRA: ATENCIÓN DO PERSOAL E HORARIO**

Os servizos de atención a visitantes e demais actividades deberán prestarse por profesional cualificado, ben con persoal propio do concello ou ben cos correspondentes contratos que realice ao amparo do establecido na Ley 9/2017 de 8 de novembro de contratos del Sector Público. En ningún caso o persoal que adscriba o concello ao obxecto do contrato baixo calquera modalidade laboral ou administrativa, suporá creación de relación laboral algunha coa Excm. Deputación provincial da Coruña.

O horario de atención ao público será como mínimo:

**Días:** todos os días da semana, incluídos domingos e festivos, fóra dos luns que permanecerá pechado.

**Horario:** De 11:00 a 14:00 h e de 16:00 a 19:00 horas.

**Para o ano 2024** manterase a actividade tal e como se establece no convenio para o 2023, e continúan os talleres de modelado de barro en Semana Santa, xullo e agosto, mantendo as visitas teatralizadas orientadas aos Institutos durante a primavera xa que é xeito de coñecer a olería tradicional ameno e práctico.

A maiores **para o ano 2024, se busca reforzar as visitas teatralizadas e realizar actuacións musicais de grupos tradicionais, que manteñan viva a propia historia musical.**

#### **CUARTA: OBRIGAS DA DEPUTACIÓN PROVINCIAL DA CORUÑA.**

- 1.- A Deputación provincial da Coruña abonará ao concello de Malpica de Bergantiños, o importe correspondente ao 100% dos gastos non cubertos por ingresos da actividade, ata un máximo de 80.000,00 € durante a anualidade de 2024, do 01 de xaneiro de 2024 ao 31 de decembro de 2024 con cargo á aplicación orzamentaria 0112/3333/22609, condicionado á existencia de crédito adecuado e suficiente no exercicio presupuestario correspondente. O importe increméntase, respecto ao do ano anterior, en 10.000,00 € con motivo das novas actividades que se van realizar ao longo do 2024, que se reflexan na memoria do expediente.
- 2.- No caso de que os gastos xustificadas non cubertos con ingresos da actividade, foran superiores, a achega provincial non superará en ningún caso a cantidade indicada na cláusula CUARTA do convenio.
- 3.- Aboarase de conformidade co disposto na cláusula QUINTA do texto do convenio.

#### **QUINTA.- FORMA DE PAGO**

A Deputación Provincial abonará ao Concello de Malpica de Bergantiños a achega correspondente a cada anualidade da seguinte maneira:

1. Efectuaranse pagos trimestrais , polo importe correspondente ao 100% dos gastos non cubertos por ingresos da actividade correspondentes ao citado trimestre e correspondentes a períodos vencidos.
2. En consecuencia non se efectuará ningún pago por anticipado.
3. Requirirán a presentación de certificación de gastos e ingresos durante o devandito trimestre, expedida polo Sr. Secretario co Vº e pr. do Alcalde-Presidente do Concello de Malpica de Bergantiños.
4. Acompañarase ademais memoria onde se indicarán as actividades realizadas, persoal adscrito aos servizos e informe estatístico de visitantes.
5. Cada pago requirirá informes favorables dos Servizos de Patrimonio e Contratación e de Fiscalización.
6. Para a cobranza de cada unha das achegas provinciais, o Concello de Malpica deberá presentar certificación de estar ao corrente das obrigacións tributarias e de seguridade social.
7. Así mesmo deberá estar ao corrente das súas obrigas fiscais coa Deputación provincial da Coruña, situación de que se determinará de oficio a través do Servizo Provincial de Recadación.
8. O Concello deberá presentar certificación dos ingresos producidos por achegas de entidades públicas ou privadas, se os houbese.
9. O importe da achega da Deputación provincial da Coruña, en concorrencia con outros ingresos non poderá superar o importe total dos gastos realizados.

#### **SEXTA: SUPERVISIÓN POLA DEPUTACIÓN**

Sen prexuízo das facultades de vixilancia e inspección que corresponden á Presidencia da Deputación Provincial, o Servizo de Patrimonio e Contratación por si ou a través doutros Servizos Técnicos da Deputación, poderá inspeccionar en calquera momento o estado do inmovible e bens adscritos, e o cumprimento dos fins do presente convenio.

#### **SÉTIMA: UTILIZACIÓN POLA DEPUTACIÓN**

O inmovible seguirá sendo propiedade da Excm. Deputación provincial da Coruña e en consecuencia poderá realizar as actividades que estime oportunas.

#### **OITAVA: VIXENCIA**

1. O prazo de vixencia do presente convenio esténdese **dende o 1 de xaneiro de 2024 ata o 31 de marzo do 2025.**
2. As actividades se realizarán, aos efectos de imputación dos gastos, **entre o 1 de xaneiro de 2024 e o 31 de decembro do 2024**, e terán que estar xustificadas 1 mes antes do vencemento do período de vixencia do convenio.
3. Esta vixencia queda subordinada á existencia do crédito adecuado e suficiente no correspondente exercicio orzamentario.

#### **NOVENA: NATUREZA XURÍDICA**

O presente convenio ten carácter administrativo quedando as partes suxeitas á xurisdición dos tribunais contencioso-administrativos para resolver os conflitos que puidesen xurdir no seu aplicación. En todo caso aplicarase de maneira supletoria a Lei 38/2003, Xeral de Subvencións.